



GOVERNMENT OF NIUE

FAKAILOAAGA MAHUIGA

KUA HIKI E MAGAAHO KE TAUTE E TIVIAGA MALOLŌ TINO TO TUKUFENOGA KI NIUE

Alofi, Niue – 23 Mati 2022 – Kua fakailoa he Fakatufono Niue, e hikiaga he tau magaaho ke taute e tiviaga malolō tino, ke he 48 e tulā, to tukufenoga ki Niue, ke kamata he 4 Apelila, 2022.

Ko e tau tagata ō fenoga oti ka tukufenoga mai ki Niue kamata he aho 4 he mahina Apelila 2022, kia fakakite kua nakai moua he gagao COVID-19 mai he puhala tiviaga, PCR ne kua taute 48 e tulā to tukufenoga mai ki Niue, mo e tivi he puhala mafiti, RAT, he tau pulotu fifili pauaki, he aho ka fakatoka e fenoga.

Kua fakamooli foki he Fakatufono Niue e fakaatāaga ke fakaaoga e puke ifo gutu ma e puhala tivi PCR.

Ko e tau fakatokaaga he Fakatufono Niue he magaaho nai ne muitua ki ai e tau tagata ō fenoga he magaaho nai, to fakatumau ke taute, tuga e huki puipui oti e tau tagata to tukufenoga ki Niue, mo e ko e Fakatufono Niue hokoia ka foaki e fakaatāaga ke fenoga mai ha tagata ki Niue.

Talahau e Ikipule he Faahi Malolō, Lilifu Sauni Tongatule, to fakatumau e Fakatufono Niue ke taute e tau hikiaga ke he tau fakatokaaga he tau magaaho kua lata ke eke pihia.

Talahau foki e Lilifu Tongatule, pete ni kua katoatoa e tau huki puipui he tau pasese ka fakaatā ke fenoga mai ki Niue, kua manako agaia kia lautolu ke taute e falu tiviaga foki to tukufenoga ki Niue. Ko e kakano he tau tauteaga nai ke fakahagahaga mitaki e tau mena taute ka eke kua tokaunaka e gagao COVID-19 ke hoko mai ki Niue, pete ni he lahi e pikitia he gagao COVID-19 he tau tagata i Niu Silani, mo e falu motu foki.

FAKAOTI